

БЖЗҚ салымшыларының 2024 жылдың бірінші айындағы таза инвестициялық кірісі 109,6 млрд теңгеден асты



Ағымдағы жылдың бірінші айында БЖЗҚ салымшыларының шоттарына 109,6 млрд теңгеден аса таза инвестициялық кіріс есептелді. Бұл өткен жылдың сәйкес кезеңінің көрсеткіштерінен 45,7 млрд теңге немесе 72% артық.

2024 жылдың 1 ақпанындағы жағдай бойынша салымшылардың (алушылардың) шоттарына бөлінген БЖЗҚ зейнетақы активтерінің кірістілігі соңғы 12 айда 10,3% құрады. Бұл кезеңдегі инфляция 9,5% мөлшерінде болды.

Инвестициялық кіріс қаржы құралдары (бағалы қағаздар, салымдар және

басқа операциялар) бойынша сыйақы түріндегі кірістерден, қаржы құралдарын нарықтық және валюталық қайта бағалаудан, сыртқы басқарудағы активтер бойынша кірістерден және т. б. тұрады. ҚР Ұлттық Банкі және инвестициялық портфельді басқарушылар (ИПБ) зейнетақы активтерін инвестициялық кіріс алу мақсатында Қазақстандағы және шетелдегі экономиканың түрлі секторларының әр түрлі қаржы құралдарына түрлі валюта-ларда орналастырады. Инвестициялық портфельді әртараптандыру (инвестициялау құралдары мен нарықтарының алуан

түрлілігі) зейнетақы жинақтарының сақталуын және орнықты табыстылығын қамтамасыз етеді.

1998 жылы жинақтаушы зейнетақы жүйесі құрылған күннен бастап инвестициялық кіріс 2024 жылғы 1 ақпанда шамамен 9,5 трлн теңге болды. Ал бүкіл кезең ішінде жинақталған инфляция 761,15% болғанда жинақталған инвестициялық кірістілік еспелі қорытындымен 822,03% көрсетті. Осылайша, ұзақ мерзімді кезеңдегі жинақталған инвестициялық кіріс инфляциядан асып түсті.

Естеріңізге сала кетейік, Қазақстанда инфляция деңгейін ескере отырып, міндетті зейнетақы жарналарының сақталуына бірегей кепілдік бар. Тіпті, салымшының жинақталған кірістілігіне әсер еткен кірістіліктің төмендеуі орын алған жекелеген кезеңдер үшін де мемлекет төлем алу құқығы басталған кезде ай-

ырмашылықты өтеуге кепілдік береді.

Зейнетақы активтерін инвестициялық басқару мен есепке алудың бүкіл жүйесі ашық: әрбір салымшының eprf.kz сайтындағы жеке кабинетінде немесе ұялы қосымшада өзінің инвестициялық табысын көру мүмкіндігі бар.

БЖЗҚ зейнетақы активтерін инвестициялық басқару және олар орналастырылған қаржы құралдары туралы ақпарат Қордың (www.eprf.kz) ресми сайтындағы «Көрсеткіштер/Инвестициялық қызмет» бөлімінде жарияланады.

Көптеген маңызды және пайдалы ақпаратты, соның ішінде жинақтаушы зейнетақы жүйесі сарапшыларының зейнетақы активтерін инвестициялау туралы сұхбатты - БЖЗҚ ЕНПФ YouTube-арнасынан көруге болады.

«БЖЗҚ» АҚ баспасөз орталығы.

Салынған объектіні пайдалануға қабылдау актісі негізінде жылжымайтын мүлікке құқықтарды мемлекеттік тіркеу

«Қазақстан Республикасындағы сәулет, қала құрылысы және құрылыс қызметі туралы» Заңның (бұдан әрі-Заң) 1-бабының 44-1-тармағына сәйкес объектіні пайдалануға қабылдау актісі-бекітілген жобаға және мемлекеттік (мемлекетаралық) нормативтерге сәйкес объект құрылысының аяқталғанын және объектінің пайдалануға толық дайындығын растайтын құжат.

Заңның 73-бабының 4-тармағына сәйкес салынған объектіні пайдалануға қабылдау актімен ресімделеді. Салынған объектіні пайдалануға қабылдау актісі бекітуге жатады.

Қабылдау актісін бекітуді тапсырыс беруші жүргізеді. Объектіні пайдалануға қабылдау актісіне қол қойылған күн оның бекітілген күні және объектінің пайдалануға берілген күні деп есептеледі.

Бекітілген, белгіленген тәртіппен салынған объектіні пайдалануға қабылдау актісі ғимараттардың, құрылыстардың және (немесе) олардың құрамдас бөліктерінің жаңадан құрылған жылжымайтын мүлікке сәйкестендіру және техникалық мәліметтерін құқықтық кадастрдың ақпараттық жүйесіне енгізу, жылжымайтын мүлікке құқықтарды тіркеу үшін негіз болып табылады.

Мемлекеттік тіркеу үшін өтініш беруші (өтініш берушінің уәкілетті өкілі) «Азаматтарға арналған үкімет» мемлекеттік корпорациясы» КЕАҚ филиалына өзінің

жекебасын куәландыратын құжатты көрсетуі және жылжымайтын мүлік объектісінің орналасқан жері бойынша мынадай құжаттарды ұсынуы тиіс:

- белгіленген үлгідегі мемлекеттік тіркеу туралы өтініш;
- құқық белгілейтін құжат (салынған объектіні пайдалануға қабылдаудың бекітілген актісі);
- жылжымайтын мүлікке құқықтарды мемлекеттік тіркегені үшін төленгенін растайтын құжат.

«Жылжымайтын мүлікке құқықтарды мемлекеттік тіркеу туралы» Заңның 27 және 31-баптарына сәйкес мемлекеттік тіркеуді тоқтата тұру немесе бас тарту үшін негіздер болмаған жағдайда, салынған объектіні пайдалануға қабылдау актісі негізінде құқықты мемлекеттік тіркеу жүргізіледі.

Жылжымайтын мүлікке құқықтарды мемлекеттік тіркеу тіркеуші органға өтініш келіп түскен сәттен бастап үш жұмыс күні ішінде жүргізілуге тиіс.

Мемлекеттік қызметті көрсету нәтижесі тіркеуге ұсынылған құқық белгілейтін құжатқа жазба жасау болып табылады.

Т.ӘУБАҚІР,

Ақмола облысы әділет департаментінің Коммерциялық емес ұйымдарды тіркеу және тіркеу қызметі саласындағы бақылау бөлімінің басшысы.

ДЕНСАУЛЫҚСАҚТАУ

БРУЦЕЛЛЕЗ ТУРАЛЫ НЕ БІЛУ КЕРЕК!

Бруцеллез - еңбекке деген қабілетті ұзақ уақытқа дейін жоғалтатын аса қауіпті ауру. Бруцеллез ауруы - жануар мен адамға ортақ жұқпалы дерттердің бірі. Бруцеллез тудырушы микробтар тобын бруцелла деп атайды. Бруцеллезбен барлық ауылшаруашылық малдары, соның ішінде әсіресе, қой, ешкі, ірі қара және шошқа түліктері көбірек ауырады. Бруцелла бактериясы суда - 3 айға дейін, мұз болып қатқан етте 10 айдан көп, сүтте 10-30 күн, топырақта 1,5-6 ай, брынза, май, сыр, айран өнімдерінде 10-3-4 ай, етте -12-47 күн, тұздалған етте 2 ай, жүнде 2-3 ай сақталады.

Бруцеллез қоздырғыштары ауру малдың етінен де, сүт өнімдерінен де жұға береді. Сондықтан сүтті тек қайнатылғаннан кейін ғана пайдалану қажет, шикі немесе шала піскен етті жеудің қатерлі екенін естен шығармау керек. Ауру сырқаттың барлық мүшесіне зиянын тигізеді. Атап айтсақ, буындардың, жүрек-қан тамырларының, демалу және ас қорыту жүйелерінің, зәр шығару органдарының, орталық жүйке жүйесінің, лимфа түйіндерінің, көк бауырдың жұмысын нашарлатады, көз бен құлақтың көру және есту қабілеті төмендейді. Егер толық ем қабыл-



дамаса, адамның мүгедек болып қалуы ықтимал.

Аурудың негізгі белгілері мыналар: дене қызуының ұзақ уақыт көтерілуі, қалтырап тоңу, бастың ауыруы, әлсіреу, дененің түршігуі және қатты терлеу, әсіресе, түнге қарай бірнеше аптадан соң буындар ісініп, ауыра бастайды. Егерде осы айтылған белгілер сізді мазаласа, дәрігерлік көмекке жүгінгені дұрыс. Бруцеллез ауруының ең қатерлі, көп тарайтын мезгілі көктемгі мал төлдету мен қой қыркү кезеңі. Осы науқандар кезінде әсіресе, сақтық шараларын қатаң орындап, мал шаруашылығына арналған киімдер мен резеңке қолғап, етік және тағы басқа керекті жабдықтармен қамтамасыз ету керек.

Жұмыстан кейін қолды бірнеше рет сабындап жуу, түсік түскен жерді арнаулы дәрімен дезинфекциялау, қолдағы ұсақ жарақаттарды уақытында емдеп, қолға арнаулы қолғап киіп жұмыс істеу-осының бәрі адамның жеке басының бруцеллез ауруынан сақтану шаралары болып табылады.

Аурудың жұғуының алдын алу үшін: - ауру жануарды уақытында анықтау және оқшаулау;

- жануарға күтім жасағанда арнайы киімді (халат, кленкалы алжапқыш, резіңке етік және қолғапты) қолдану;

-жан-жануарларға күтім жасау ережелерін сақтау; -арнайы ерітіндімен жануар тұратын жерді залалсыздандыру;

-қауіпті топқа жататын адамдар (сауыншылар, малшылар, ет комбинатының қызметкерлері) үшін бруцеллезге қарсы екпе қолдану;

-жүйелі профилактикалық тексеруден кемінде жылына 1 рет өту;

-жануарларға күтім жасайтын тұлғалар үшін жеке тазалық ережесін сақтау, сабынды ыстық сумен үнемі қолды жуу;

-жаңа сауылған сүтті тұтынбау, тек қайнатылған немесе пастерленген сүтті тұтыну;

-етті жылумен мұқият өңдеу қажет;

-ілеспе құжаттары жоқ ет және сүт өнімдерін жабайы сауда орындарынан сатып алмау.

Сіз осы жоғарыда айтылған қарапайым талаптарды орындай отырып, өзіңізді, жанұяңызды бруцеллез ауруынан сақтай аласыз. «Ауырып ем іздегенше, ауырмайтын жол ізде» деген қағиданы берік есте ұстағыңыз жөн. Аурудың адамнан адамға емес, тек ауру малдан ғана жұғатынын ұмытпаңыз.

Жанар БЕКБАЕВА,
Зеренді аудандық санитариялық - эпидемиологиялық бақылау басқармасының бас маманы.

Сурет интернет желісінен алынды.

Қозғалыссыз мүлік иелерінің назарына

Зеренді ауданы әкімінің аппараты келесіні хабарлайды:

- 2023 жылғы 09 наурыздағы «Азаматтарға арналған үкімет» мемлекеттік корпорациясы» КЕАҚ Ақмола облысы бойынша филиалының Зеренді ауданының тіркеу және жер кадастры бөлімінің хатына сәйкес, Зеренді ауданы, Алексеевка ауылдық округі, Алексеевка кенті, Ленин көшесі, 40, 45-А, 47-А, 49-А, 55А, 55Б, 66, 67-А, 71-А, 77-А орналасқан жер телімдері 2023 жылдың 09 наурызынан бастап иесіз мүлік ретінде есепте тұр;

- 2023 жылғы 10 наурыздағы «Азаматтарға арналған үкімет» мемлекеттік корпорациясы» КЕАҚ Ақмола облысы бойынша филиалының Зеренді ауданының тіркеу және жер кадастры бөлімінің хатына сәйкес, Зеренді ауданы, Айдабол ауылдық округі, Айдабол ауылы, Молодежная көшесі, 3, Буденный көшесі, 4, Свердлов көшесі, 18, Свердлов көшесі, 7, Свердлов көшесі, 5 орналасқан жер телімдері 2023 жылдың 10 наурызынан бастап иесіз мүлік ретінде есепте тұр;

- 2023 жылғы 15 наурыздағы «Азаматтарға арналған үкімет» мемлекеттік корпорациясы» КЕАҚ Ақмола облысы бойынша филиалының Зеренді ауданының тіркеу және жер кадастры бөлімінің хатына сәйкес, Зеренді ауданы, Викторова ауылдық округі, Викторова ауылы, Мир көшесі, 62, 66, 74, 90 орналасқан жер телімдері 2023 жылдың 15 наурызынан бастап иесіз мүлік ретінде есепте тұр;

- 2023 жылғы 29 наурыздағы «Азаматтарға арналған үкімет» мемлекеттік корпорациясы» КЕАҚ Ақмола облысы бойынша филиалының Зеренді ауданының тіркеу және жер кадастры бөлімінің хатына сәйкес, Зеренді ауданы, Симферополь ауылдық округі, Симферополь ауылы, Шонай көшесі, 24 А, 25, 34А, 26 орналасқан жер телімдері 2023 жылдың 29 наурызынан бастап иесіз мүлік ретінде есепте тұр;

Осыған байланысты, жоғарыда аталған жер учаскелерінің ықтимал иелеріне (болған жағдайда) құқық белгілейтін құжаттарды жарияланғаннан кейін 5 жұмыс күні ішінде ұсыну қажеттілігі туралы хабарлаймыз.

Жоғарыда аталған жер учаскелерінің ықтимал меншік иелері болмаған жағдайда, жылжымайтын мүлікті иесіз және коммуналдық меншікке өткен деп тану туралы сотқа арыз беріледі.

ҚОҒАМДЫҚ ТЫҢДАУЛАР

«Ақмола облысының табиғи ресурстар және табиғатты пайдалануды реттеу басқармасы» мемлекеттік мекемесі «Чаглинка өзенінің арнасын тереңдету жұмыстарын жүргізу (Чаглинка ауылының жағалау сызығы бойынша) құрылысы» қоршаған ортаны қорғау бөлімін қоғамдық талқылау арқылы қоғамдық тыңдаулар өткізеді.

Жобалық құжаттама пакетімен <https://ecoportal.kz/> Бірыңғай экологиялық порталда танысуға болады. Қоғамдық талқылаулар 2024 жылғы 26 сәуірден 2024 жылғы 3 мамырға дейін Бірыңғай экологиялық портал веб-сайтында өтеді. Барлық ескертулер мен ұсыныстар осы күндері Бірыңғай экологиялық порталда қабылданады. Осы мерзім өткеннен кейін ескертулер мен ұсыныстар қабылданбайды.

Бастамашы – «Ақмола облысының табиғи ресурстар және табиғатты пайдалануды реттеу басқармасы» ММ, БСН: 050140002890, Көкшетау қ., көш. Абай 89, тел.: 8(7162)401403.

Әзірлеуші: «Биосфера» ЖШС, БСН 920440000085 Астана қ., Сарыарқа ауданы, көш. Сәкен Сейфуллин көш., 27/3, 35 кеңсе, лицензия № 01166П 3 қаңтар 2008 ж., e-mail: ozero.326857@gmail.com

Қоғамдық тыңдаулар кезінде жоспарланған іс-шара туралы қосымша ақпаратты, сондай-ақ жоспарланған қызметке қатысты құжаттардың көшірмелерін eco.logistics@mail.ru электрондық поштасы және телефоны: 8 775 107 21 24 арқылы сұратуға болады.

Қоғамдық тыңдаулар туралы ақпаратқа жұртшылықтың қолжетімділігін қамтамасыз етуге жауапты жергілікті атқарушы орган – «Ақмола облысының табиғи ресурстар басқармасы» мемлекеттік мекемесі, бас маман Жанбатыр А.Е., электрондық пошта мекенжайы: expreso@mail.ru, телефон 8 (7162) 25-19-86.

«Балдырған» бөбекжайы МКҚК «Ақмола облысы, Зеренді ауданы, Шағалалы ауылы, Жеңіс көшесі, 2 мекенжайында орналасқан «Балдырған» бөбекжайы» МКҚК ғимаратының шатырын қайта жаңарту» жобасына ҚОҚ бөлімін көпшілік талқылау арқылы қоғамдық тыңдаулар өткізеді.

Жобалық құжаттама пакетімен бірыңғай экологиялық порталда танысуға болады <https://ecoportal.kz/>.

Жария талқылау 26.04.2024 ж. бастап 03.05.2024 ж. дейін бірыңғай экологиялық портал сайтында өтеді.

Барлық ескертулер мен ұсыныстар осы күндері бірыңғай экологиялық порталда қабылданады. Осы мерзім өткеннен кейін ескертулер мен ұсыныстар қабылданбайды.

Бастамашы – «Балдырған» бөбекжайы МКҚК, Ақмола облысы, Зеренді ауданы, Шағалалы ауылы, Жеңіс көшесі, 2; БСН: 070240009161; тел.: 8 771 372 79 15.

Жобалық құжаттама әзірлеуші: «Инжиниринг Проект 2050» ЖШС, Павлодар облысы, Павлодар қ., Ломов көш., 177/1-114, БСН:090540010192, тел.: 8 778 780 1177.

Жария тыңдаулар өткізу кезінде көзделіп отырған қызмет туралы қосымша ақпарат алуға, сондай-ақ көзделіп отырған қызметке қатысты құжаттардың көшірмелерін электрондық мекенжай бойынша сұратуға болады: chigina.to@mail.ru және телефон+77017587646.

ЖАО жұртшылықтың қоғамдық тыңдаулар өткізу туралы ақпаратқа қол жеткізуін қамтамасыз етуге жауапты – «Ақмола облысының табиғи ресурстар және табиғат пайдалануды реттеу басқармасы» ММ, электрондық мекенжайы: expreso@mail.ru және телефон8 7162402807.